

四庫全書

集部

# 欽定四庫全書

集部

御定全唐詩卷一百

八十九至  
九十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻緒

謄錄監生臣王永鎮

欽定四庫全書

御定全唐詩卷一百八十九

韋應物

李五席送李主簿歸西臺

請告嚴程盡西歸  
道路寒欲陪鷹隼  
集猶戀鵲鷁單洛  
邑人全少嵩高雪  
尚殘湍臺誰不故  
報我在微官

送崔押衙相州

有任內黃令

禮樂儒家子英豪燕趙風  
驅雞嘗理邑走馬却從戎  
白

刃千夫闢黃金四海同嫖姚恩顧下諸將指揮中別路  
憐芳草歸心伴塞鴻鄴城新騎滿魏帝舊臺空望闕應  
懷戀遭時貴立功萬方如已靜何處欲輸忠

送宣城路錄事

江上宣城郡孤舟遠到時雲林謝家宅山水敬亭祠網  
紀多閒日觀遊得賦詩都門且盡醉此別數年期

送李十四山東遊

一作山人東遊

聖朝有遺逸披膽謁至尊豈是貿榮寵誓將救元元權

豪非所便書奏寢禁門高歌長安酒忠憤不可吞歎來  
客河洛日與靜者論濟世翻小事丹砂駐精魂東遊無  
復繫梁楚多大蕃高論動侯伯疎懷脫塵喧送君都門  
野飲我林中樽立馬望東道白雲滿梁園踟躕欲何贈  
空是平生言

送李二歸楚州

時李季弟牧楚  
州被訟赴急

情人南楚別復詠在原詩忽此嗟歧路還令泣素絲風  
波朝夕遠音信往來遲好去扁舟客青雲何處期

送閻家赴東川辟

冰炭俱可懷孰云熱與寒何如結髮友不得攜手懽晨  
登嚴霜野送子天一端祇承簡書命俯仰旁角冠上陟  
白雲嶠下冥玄壑湍離羣自有託歷險得所安當念反  
窮巷登朝成慨嘆

送令狐岫宰恩陽

大雪天地閉羣山夜來晴居家猶苦寒子有千里行行  
行安得辭荷此蒲壁榮賢豪爭追攀飲餞出西京樽酒

豈不歡暮春自有程離人起視日僕御從前征遽遲歲  
已窮當造巴子城和風被草木江水日夜清從來知善  
政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岍糾郡南海湄名  
在翰墨場羣公正追隨如何從此去千里萬里期大海  
吞東南橫嶺隔地維建邦臨日域溫燠御四時百國共  
臻奏珍奇獻京師富豪豪虞興戎繩墨不易持州伯荷天

寵

一作龍選

還當翊丹墀子為門下生終始豈見遺所願酌

貪泉心不為磷緇上將翫國士下以報渴飢

送元倉曹歸廣陵

官閒得去住告別戀音徽

一作輝

舊國應無業他鄉到是

歸楚山明月滿淮南夜鐘微何處孤舟泊遙遙心曲違

送唐明府赴漂水

三任縣事

三為百里宰已過十餘年祇嘆官如舊旋聞邑屢遷魚  
鹽濱海利薑蔗徇湖田到此安耽俗琴堂又晏然



喜於廣陵拜覲家兄奉送發還池州

青青連枝樹冉冉久別離  
客遊廣陵中俱到若有期  
俯仰叙存歿哀腸發酸悲  
收情且為歡累日不知飢  
夙駕多所迫復當還歸池  
長安三千里歲晏獨何為  
南出登閭門驚飈左右吹  
所別諒非遠要令心不怡

送章八元秀才擢第往上都應制

決勝文場戰已酣  
行應辟命復才堪  
旅食不辭遊闕下  
春衣未換報江南  
天邊宿鳥生歸思  
關外晴山滿夕嵐

立馬欲從何處別都門楊柳正毵毵

送張侍御祕書江左覲省

莫歡都門路歸無駟馬車繡衣猶在篋

一作蓮

閣已觀

書沃野收紅稻長江釣白魚晨飡亦可薦

一作潔

名利欲

何如

賦得鼎門送盧耿赴任

名因定鼎地門對鑿龍山水北樓臺近城南車馬還稍  
開芳野靜欲掩暮鐘閒去此無嗟屈前賢尚抱關

賦得浮雲起離色送鄭述誠

遊子欲言去浮雲那得知  
偏能見行色自是獨傷離  
晚帶城遙暗秋生峰尚奇  
還因朔吹斷疋馬與相隨

餞雍聿之潞州謁李中丞

鬱鬱雨

一作兩

相遇出門草青青酒酣拔劍舞慷慨送子

行驅馬涉大河日暮懷洛京前登太行路志士亦未平  
薄遊五府都高步振英聲主人才且賢重士百金輕  
絲竹促飛觴夜醺達晨星娛樂易淹暮諒在執高情

上東門會送李幼舉南遊徐方

離絃既罷彈罇酒亦已闌  
聽我歌一曲南徐在雲端  
雲端雖云邈行路本非難  
諸侯皆愛才公子遠結歡  
濟濟都門宴將去復盤桓  
令姿何昂昂良馬遠遊冠  
意氣且為別由來非所嘆

送洛陽韓丞東遊

仙鳥何飄颻綠衣翠為襟  
顧我差池羽咬咬懷好音  
徘徊洛陽中遊戲清川潯  
神交不在結歡愛自中心  
駕言

忽徂征雲路邈且深朝遊尚同咏夕息當異林出餞宿  
東郊列筵屬城陰舉酒欲為樂憂懷方一作何沈沈

送鄭長源

少年一相見

一作得

飛轡河洛間歡遊不知罷中路忽言

還泠泠鵑絃哀悄悄冬夜閒大夫雖耿介遠別多苦顏  
君行拜高堂速駕難久攀鷄鳴儔侶發朔雪滿河關須  
臾在今夕斟酌且循環

送李儋

別離何從生乃在親愛中反念行路子拂衣自西東日

是不留宴嚴車出崇墉行遊

一作役

非所樂端憂

一作處

道

未通

一作豐

春野百卉發清川思無窮芳時坐離散世事

誰可同歸當掩重闕默默想音容

賦得暮雨送李胄

一作渭

楚江微雨裏建業暮鐘時漠漠帆來重冥冥鳥去遲海  
門深不見浦樹遠含滋相送情無限沾襟比散絲

留別洛京親友

握手出都門，駕言適京師。  
豈不懷舊廬，惆悵與子辭。  
麗日坐高閣，清觴醺華池。  
昨遊倏已過，後遇良未知。  
念結路方永，歲陰野無暉。  
單車我當前，一作去暮雪子獨歸。  
臨流一作漸遙一相望，零淚忽沾衣。

賦得沙際路送從叔象

獨樹沙邊人跡稀，欲行愁遠暮鐘時。  
野泉幾處侵應盡，不遇山僧知問誰。

送揄次林明府

無嗟千里遠亦是宰王畿策馬雨中去逢人關外稀  
邑傳榆石在路遶晉山微別思方蕭索新秋一葉飛

雜言送黎六郎

壽陽公之予

冰壺見底未為清少年如玉有詩名聞話嵩峰多野寺  
不嫌黃綬向陽城朱門嚴訓朝辭去騎出東郊滿飛絮  
河南庭下拜府君陽城歸路山氛氲山氛氲長不見釣  
臺水淥荷已生少姨廟寒花始徧縣閒吏傲與塵隔移  
竹疎泉常岼嶮莫言去作折腰官豈似長安折腰客



天長寺上方別予西有道

時任京兆府功曹攝高陵宰別田曹盧康

戶曹韓質

因而有作

假邑非拙素況乃別伊人聊登釋氏居攜手戀

一作念

茲

晨高曠出塵表逍遙滌心神青山對芳苑列樹遠

一作盈

通津車馬無時絕行子倦風塵今當遵往路佇立欲何

申唯持貞白志以慰心所親

送黎六郎赴陽翟少府

試吏向嵩陽春山躑躅芳腰垂新綬色衣滿舊芸香喬

樹別時綠客程關外長祇應傳善政日夕慰高堂

送別覃孝廉

思親自當去不第未蹉跎家住青山下門前芳草

一作流水

多秭歸通遠徼巫峽注驚波州舉年年事還期復幾何

送開封盧少府

雄藩車馬地作尉有光輝滿席賓常侍

一作侍

聞街燭夜

歸關河征旆遠烟樹夕陽微到處無留滯梁園花欲稀

送槐廣落第歸揚州

下第常稱屈少年心獨輕拜親歸海畔似舅得詩名晚  
對青山別遙尋芳草行還期應不遠寒露濕燕城

送汾城王主簿

少年初帶印汾上又經過芳草歸時徧情人故郡多禁  
鐘春雨細宮樹野烟和相望東橋別微風起夕波

送澠池崔主簿

邑帶洛陽道年年應此行當時匹馬客今日縣人迎暮  
雨投關郡春風別帝城東西殊不遠朝夕待佳聲

送顏司議使蜀訪圖書

輶駕一封急

一作傳

蜀門千嶺曠詎分江轉字但見路緣

雲山館夜聽雨秋猿獨叫羣無為久留滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨送行依  
微吳苑樹迢遞晉陵城惻此斷行別邑人多頌聲

贈別河南李功曹

宏辭登  
科拜官

耿耿抱私戚寥寥獨掩扉臨觴自不飲況與故人違故

人方琢磨琅朗代所稀憲禮更右職文翰灑天機

一作

謁來自東山羣彥仰餘輝談笑取高第綰綬即言歸洛

都遊燕地千里及芳菲今朝章臺別楊柳亦依依雲霞  
未改色山川猶夕暉忽復不相見心思亂霏霏

送五經趙隨登科授廣德尉

明經有清秩當在石渠中獨往宣城郡高齋謁謝公寒

原正蕪漫

一作沒

夕鳥自西東秋日不堪別淒淒多朔風

宴別幼遐與君貺兄弟

乖闕

一作闕

意方

一作云

弭安知忽來翔累日重歡宴一旦

復離傷置酒慰茲夕秉燭坐華堂契闊未及展晨星出

東方征人慘已辭車馬儼成

一作來

裝我懷自無歡原野

滿春光

一作芳

羣水含時澤野雉鳴朝陽平生有壯志不

覺淚霑裳況自守空宇日夕但徬徨

### 送宣州周錄事

清時重儒士糾郡屬伊人薄遊長安中始得一交親英  
豪若雲集餞別塞城闌高駕臨長路日夕起風塵方念

清宵宴已度芳林春從茲一分手  
緬邈吳與秦但覩年  
運駛安知後會因唯當存令德  
可以解悵勤

謝櫟陽令歸西郊贈別諸友生

結髮仕

一作事

州縣蹉跎在文墨徒有排雲心  
何由生羽

翼幸遭明盛日萬物蒙生植  
獨此抱微痾頽然謝斯職

大曆十四年六月二十三日自鄆縣制除櫟陽令以疾辭歸善福精舍七月二十日賦此詩

世道方

荏苒郊園思偃息為歡日已延  
君子情未極馳觴一作驅馳

忽云晏高論良難測遊步清都宮  
迎風嘉樹側晨起西

郊道原野分黍稷自樂陶唐人服勤在微力佇君列丹  
陛出處兩為得

送端東行

世承清白遺

一作世事  
留清白

躬服古人言從官

一作  
宦

俱守道

歸來共閉門驅車何處去暮雪滿平原

送姚孫還河中

孫一  
作系

上國旅遊罷故園生事微風塵滿路起行人何處歸留  
思芳樹飲惜別暮春暉幾日投關郡河山對掩扉



始除尚書郎別善福精舍

建中二年四月十九日自前樂陽令除尚

書比部

員外郎

簡略非世器委身同草木逍遙精舍居飲酒自為足累  
日曾一櫛對書常懶讀社臘會高年山川恣遊矚明世  
方選士中朝懸美祿除書忽到門冠帶便拘束愧忝郎  
署跡謬蒙君子錄俯仰垂華纓飄飄翔輕轂行將親愛  
別戀此西澗曲遠峰明夕川夏雨生衆綠迅風飄野路  
一作吹迴首不遑宿明晨下烟閣白雲在幽谷

往路

送常侍御却使西蕃

歸奏聖朝行萬里却銜天詔報蕃臣  
本是諸生守文墨  
今將匹馬靜烟塵  
旅宿關河逢暮雨  
春耕亭鄴識遺民  
此去多應收故地  
寧辭沙塞往來頻

送郝詹事

聖朝列羣彥  
穆穆佐休明  
君子獨知止  
懸車守國程  
忠良信舊德  
文學播英聲  
既獲天爵美  
況將齒位并  
書奏蒙省察  
命駕乃東征  
皇恩賜印綬  
歸為田里榮  
朝野同

稱歎園綺鬱齊名長衢軒蓋集飲餞出西京時屬春陽  
節草木已含英洛川當盛宴斯焉為達生

送蘇評事

季弟仕譙都元兄坐蘭省言訪始忻忻念離當耿耿  
嵯峨夏雲起迢遞山川永登髙望去塵紛思終難整一作聲

送李侍御益赴幽州幕

二十揮篇翰三十窮典墳辟書五府至名為四海聞始  
從車騎幕今赴嫖姚軍契闊晚相遇草感遽離羣悠悠

行子遠眇眇川途分登高望燕代日夕生夏雲司徒擁  
精甲誓將除國氛儒生幸持斧可以佐功勲無言羽書  
急坐闕相思文

自尚書郎出為滁州刺史

留別朋友  
兼示諸弟

少年不遠仕秉笏東西京中歲守淮郡奉命乃征行素  
慙省閣姿况忝符竹榮効愚方此始顧私豈獲并徘徊  
親交戀愴恨昆友情日暮風雪起我去子還城登塗建  
隼旟勒駕望承明雲臺煥中天龍闕鬱上征晨興奉早

朝玉露霑華纓一朝從此去服膺理庶吐皇恩儻歲月  
歸復厠羣英

送元錫揚凌

荒林翳山郭積水成秋晦端居意自違況別親與愛歡  
筵慊未足離燈悄已對還當掩郡閣佇君方此會

送楊氏女

永日方慼慼出門復悠悠女子今有行大江汭輕舟爾  
輩況無恃撫念益慈柔幼為長所育

幼女為楊氏所撫育

兩別泣

不休對此結中腸義往難復留自小闕內訓

言早無恃

事姑

貽我憂賴茲託令門仁恤庶無尤貧儉誠所尚資從豈

待

一作在

周孝恭遵婦道容止順其猷別離在今晨見爾

當何秋居閒始自遣臨感忽難收歸來視幼女零淚緣  
纓流

送中弟

一作送崔肅懿

秋風

一作氣

入疎戶離人起晨朝山郡多風雨西樓更蕭

條嗟予淮海老送子關河遙同來不同去沈憂寧復消

寄別李儋

首戴惠文冠心有決勝籌翩翩四五騎結束向并州名

在相公幕

一作府

丘山恩未酬妻子不及顧親友安得留

宿昔同文翰交分共綢繆忽枉別離札涕淚一交流遠

郡卧殘疾

一作雨

涼氣滿西樓想子臨長路時當淮海秋

送倉部蕭員外院長存

襍被蹉跎老江國情人邂逅此相逢不隨鴛鴦朝天去

遙想蓬萊臺閣重

送王校書

同宿高齋換時節共看移石復栽杉  
送君江浦已惆悵更上西樓看遠帆

送丘員外還山

長棲白雲表暫訪高齋宿還辭郡邑  
誼歸泛松江祿結茅隱蒼嶺伐薪響  
深谷同是山中人不知往來躅靈芝  
非庭草遼鶴委一作匪池驚終當署  
里門一表高陽族

重送丘二十二還臨平山居



歲中始再覲方來又解攜纔留野艇語已憶故山棲幽  
澗人夜汲深林鳥長啼還持郡齋酒慰子一作此霜露淒

送鄭端公弟移院常州

時瞻憲臣重禮為內兄全公程儻見責私愛信不憊况  
昔陪朝列今茲俱海壖清觴方對酌一作燕笑天書忽告遷

豈徒咫尺地使我心思綿應當自此始歸拜雲臺前

送房杭州孺復

專城未四十暫謫豈蹉跎風雨吳門夜惻愴別情多

送陸侍御還越

居藩久不樂遇子聊一欣英聲頗籍甚交辟廼時珍繡

衣過舊里驄馬輝四隣

一作輝光  
耀四隣

敬恭尊郡守牋簡具

州民謬忝誠所愧思懷方見中置榻宿清夜加遽醺良

辰遵塗還盛府行舫遶長津自有賢方伯得此文翰賓

聽江笛送陸侍御

同丘員  
外賦題

遠聽江上笛臨觴一送君還愁獨宿夜更向郡齋聞

送丘員外歸山居

郡閣始嘉宴青山憶舊居為君量革履且願住藍輦

送崔叔清遊越

忘茲適越意愛我郡齋幽野情豈好謁詩興一相留遠  
水帶寒樹間門望去舟方伯憐文士無為成滯遊

送雲陽鄒儒立少府侍奉還京師

建中即藩守天寶為侍臣歷觀兩都士多閱諸侯人鄒  
生乃後來英俊亦罕倫為文頗瓌麗稟度自貞醇甲科  
推令名延閣播芳塵再命趨王畿請告奉慈親一鍾信

榮祿可以展歡欣昆弟俱時秀長衢當自伸聊從郡閣

暇美此時景新方將極娛宴已復及離晨

一云燕後乃離辰一作燕

後

省署慙再入江海綿十春今日閭門路握手子歸秦

### 送豆盧策秀才

歲交冰未

一作始又作水

泮地卑海氣昏子有京師遊始發吳

閭門新黃含遠林微綠生陳根詩人感時節行道當憂

煩古來獲落者俱不事田園文如金石韻豈乏知音言

方辭郡齋榻為

一作已

酌離亭罇無為倦羈旅一去高飛

翻

送王卿

別酌春林啼鳥稀  
雙旌背日晚風吹  
却憶回來花已盡  
東郊立馬望城池

送劉評事

聲華滿京洛  
藻翰發陽春  
未遂鵷鴻舉  
尚為江海賓  
吳中高宴罷  
西上一遊秦  
已想函關道  
遊子冒風塵  
籠禽羨歸翼  
遠守懷交親  
况復歲云暮  
凜凜冰霜辰  
旭霽開

郡閣寵餞集文人洞庭摘朱實松江獻白鱗丈夫豈恨別一酌且歡忻

送雷監赴闕庭

才大無不備出入為時須雄藩精理行祕府擢文儒詔書忽已至焉得久踟躕方舟趁朝謁觀者盈路衢廣筵列衆賓送爵無停迂攀餞誠愴恨一作悵賀榮且歡娛長陪柏梁宴日向丹墀趨時方重右職蹉跎獨海隅

送秦系赴潤州

近作新婚鐻白髯長懷舊卷映藍衫更欲携君虎丘寺  
不知方伯望征帆

送孫徵赴雲中

黃驄少年舞雙戟目視侑人皆辟易百戰曾誇隴上兒  
一身復作雲中客寒風動地氣蒼茫橫吹先悲出塞長  
敲石軍中傳夜火斧冰河畔汲朝漿前鋒直指陰山外  
虜騎紛紛翦應碎匈奴破盡看君歸金印酬功如斗大

御定全唐詩卷一百八十九



欽定四庫全書

御定全唐詩卷一百九十

韋應物

期盧嵩枉書稱日暮無馬不赴以詩答

佳期不可失終願枉衡門南陌人猶度西林日未昏庭  
前空倚杖花裏獨留鱗莫道無來駕知君有短轅

任洛陽丞答前長安田少府問

相逢且對酒相問欲何如數歲猶卑吏家人笑著書告

歸應

一作令

未得榮宦又知疎  
日日生春草空令憶舊居

假中枉廬二十二書亦稱卧疾兼訝李二久不

訪問以詩荅書因亦戲李二

微官何事勞趨走服藥閒眠養不才  
花裏甚盤憎烏汙  
枕邊書卷訝風開  
故人問訊緣同病  
芳月相思阻一杯  
應笑王戎成俗物  
遙持麈尾獨徘徊

酬廬嵩秋夜見寄五韻

喬木生夜涼月華滿前墀  
去君咫尺地勞君千里

一作萬

思素秉棲遁志况貽招隱詩坐見林木榮

一云坐損經濟策

願

赴滄洲期何能待歲晏攜手當此時

盧詩云歲晏以為期

酬鄭戶曹驪山感懷

蒼山何鬱盤飛閣凌上清先帝昔好道下元朝百靈白  
雲已蕭條麋鹿但縱橫泉水今尚煖舊林亦青青我念  
綺襦歲屨從當太平小臣職前驅馳道出灞亭翻翻日  
月旗殷殷鼙鼓聲萬馬自騰驤八駿按轡行日出烟嶠  
綠氛氲麗層薨登臨起遐想沐浴懽聖情朝燕詠無事

時豐賀國禎日和絃管音下使萬室聽海內奏朝貢賢  
愚共歡榮合省車馬喧西聞長安城事往世如寄感深  
迹所經申章報蘭藻一望雙涕零

荅李漸三首

孤客逢春暮緘情寄舊遊海隅人使遠書到洛陽秋  
馬卿猶有辟漁父自無家想子今何處扁舟隱荻花  
林中觀易罷溪上對鷗閒楚俗饒辭客何人最往還

酬柳郎中春日歸揚州南郭見別之作

廣陵三月花正開  
花裏逢君醉一迴  
南北相過殊不遠  
暮潮從去早潮來

酬豆盧倉曹題庫壁見示

掾局勞才子新詩動洛川  
運籌知決勝聚米似論邊  
宴罷常分騎晨趨又比肩  
莫嗟年髮改郎署定推先

酬李儋

開門臨廣陌旭日車駕喧  
不見同心友徘徊憂且煩  
都城二十里居在艮與坤  
人生所各務乖闊累朝昏湛湛

罇中酒青青芳樹園絨情未及發先此枉璵璠邁世超

一作躡

高躡尋流得真源明當策疲馬與子同笑言

酬元偉過洛陽夜燕

三載寄關東所懽皆遠違思懷方耿耿忽得觀容輝親  
燕在良夜歡攜闕中關問我猶杜門不能奮高飛明燈  
照四隅炎炭正可依清觴雖云酌所媿乏珍肥晨裝復  
當行寥落星已稀何以慰心曲佇子西還歸

酬韓質舟行阻凍

晨坐枉嘉藻持此慰寢興中獲辛苦奏長河結陰冰皓

曜羣玉發淒清孤景凝

一作澄

至柔反成堅造化安可恒

方舟未得行鑿飲空兢寒苦彌時節待泮豈所能何必涉廣川荒衢且升騰殷勤宣中意庶用達吾朋

李博士弟以余罷官居同德精舍共有伊陸名山之期久而未去枉詩見問中云宋生昔登覽末云那能顧蓬華直寄鄙懷聊以為荅

初夏息衆緣雙林對禪客枉茲芳蘭藻促我幽人策冥

搜企前哲逸句陳往迹髣髴陸渾南迢遞千峰碧從來  
遲高駕自顧無物役山水心所娛如何更朝夕晨興涉  
清洛訪子高陽宅莫言往來疎驚馬知阡陌

寄酬李博士永寧主簿叔廳見待

解鞍先幾日款曲見新詩定向公堂醉遙憐獨去時葉  
霜寒雨落鐘度遠山遲晨策已云整當同林下期

荅令狐士曹獨孤兵曹聯騎暮歸望山見寄

共愛青山住近南行牽吏役背雙駝枉書獨宿對流水



遙羨歸時滿夕嵐

荅李博士

休沐去人遠高齋出林杪晴山多碧峰  
顥氣疑秋曉端居喜良友枉使千里路  
緘書當夏時開緘時已度簷鵲已颺  
颺荷露方蕭颺夢遠竹窗幽行稀蘭徑  
合舊居共南北往來只如昨問君今為  
誰日夕度清洛

荅劉西曹

時為京兆功曹

公館夜云寂微涼羣樹秋西曹得時彥  
華月共淹留長

嘯舉清觴志氣誰與儔  
千齡事雖邈俯念忽已周  
篇翰如雲興京洛頗優游  
詮文不獨古理妙即同流  
淺劣見推許恐為識者尤  
空慙文辭贈日夕

一作不能酬

荅貢士黎逢

時任京兆功曹

茂等

一作才

方上達諸生安可希  
栖神澹物表渙汗布令

詞如彼崑山玉本自有光  
輝鄙人徒區區稱歎亦何為

彌月曠不接公門但

一作後

驅馳蘭章忽有贈持用慰所

思不見心尚

一作微

密况當相見時

荅韓庫部

協

良玉表貞度麗藻頗為工名列金閨籍心與素士同日  
晏下朝來車馬自生風清宵有佳興皓月直南宮矯翮  
方上征顧我邈忡忡豈不願攀舉執事府庭中智乖時  
亦蹇才大命有一作為通還當以道推解組守蒿蓬

荅崔主簿倬

朗月分林靄遙管動離聲故驩良已阻空宇澹無情窈  
窕雲雁沒蒼茫河漢橫蘭章不可荅冲襟徒自盈

荅徐秀才

鉛鈍謝貞器時秀猥見稱豈如白玉仙

一作仙山鶴

方與紫

霞升清詩舞艷雪孤抱瑩玄冰一枝非所貴懷書思武

一作  
且茂陵

荅東林道士

紫閣西邊第幾峰茅齋夜雪虎行蹤遙看黛色知何處

欲出山門

一作欲  
向西山

尋暮鐘

荅長寧令楊輒

皓月升林表，公堂滿清輝。  
嘉賓自遠至，觴飲夜何其。  
宰邑視京縣，歸來無寸資。  
瓌文溢衆寶，雅正得吾師。  
廣川含澄瀾，茂一作芳樹擢華滋。  
短才何足數，枉贈媿妍詞。  
歡盼良見屬，素懷亦已披。  
何意雲棲翰，不嫌蓬艾卑。  
但恐河漢沒，回車首路岐。

荅馮魯秀才

晨坐枉瓊藻，知子返中林。  
澹然山景晏，泉谷響幽禽。  
髣髴謝塵跡，逍遙舒道心。  
顧我腰間綬，端為華髮侵。  
簿書

勞應對篇翰曠不尋薄田失鋤耨生苗安可任徒令慙  
所問想望東山岑

荅崔主簿問兼簡溫上人

緣情生衆累晚悟依道流諸境一已寂了將身世浮閒  
居澹無味忽復四時周靡靡芳草積稍稍新篁抽即此  
抱餘素塊然誠寡儔自適一忻意愧蒙君子憂

清都觀荅幼遐

逍遙仙家子日夕朝玉皇興高清露沒渴飲瓊華漿解

組一來款披衣拂天香粲然顧我笑綠簡發新章泠泠

如玉音

一作響

馥馥若蘭芳浩意坐盈此月華殊未央却

念誼譁日何由得清涼疎松抗

一作枕

高殿密竹陰長廊

榮名等糞土攜手隨風翔

善福精舍荅韓司錄清都觀會宴見憶

弱志厭衆紛抱素寄精廬皦皦仰時彥悶悶

平聲

獨為愚

之子亦辭秩高蹤罷馳驅忽因西飛禽贈我以瓊琚始

表仙都集復言歡樂殊人生各有因契闊不獲俱一來

田野中日與人事疎水木澄秋景逍遙清賞餘枉駕懷

前諾引領豈斯須

一作須史

無為便高翔邈矣不可迂

荅長安丞裴說

出身忝時士於世本無機爰以林壑趣遂成頑鈍姿臨  
流意已淒采菊露未晞舉頭見秋山萬事都若遺獨踐  
幽人蹤邈將親友違髦士佐京邑懷念枉貞詞久雨積  
幽抱清罇宴良知從容操劇務文翰方見推安能戢羽  
翼顧此林栖時



奉酬處士叔見示

挂纓守貧賤積雪卧郊園叔父親降趾壺觴携到門高  
齋樂宴罷清夜道心存即此同疎氏可以一忘言

荅庫部韓郎中

高士不羈世頗將榮辱齊適委華冕去欲還幽林栖雖  
懷承明戀忻與物累睽逍遙觀運流誰復識端倪而我  
豈高一作能致偃息平門西愚者世所遺沮溺共耕犁風

雪積深夜園田掩荒蹊幸蒙相思札款曲期見攜

荅暢校書當

偶然棄官去投跡在田中日出照茅屋園林

一作種園

養愚

蒙雖云無一資斟酌會不空且忻百穀成仰嘆造化功

出入與民伍作事靡不同時伐南澗竹夜還澧水東貧

蹇自成退豈為高人蹤覽君金玉篇彩色發我容

一作蒙

日月欲為報方

一作歷

春已徂冬

荅崔都水

深夜竹亭雪孤燈案上書不遇無為化

一作法

誰復得聞

居

酬令狐司錄善福精舍見贈

野寺望山雪空齋對竹林我以養愚地生君道者心

澧上精舍答趙氏外生伉

遠跡出塵表寓身雙樹林如何小子伉

一作弟

亦有超世

心擔書從我遊携手廣川陰雲開夏郊綠景晏青山沈

對榻遇清夜獻詩合

一作全

雅音所推苟禮數於性道豈

深隱拙在冲默經世昧古今無為率爾言可以致華簪

荅趙氏生伉

暫與雲林別忽陪鴛鴦翔看山不得去知爾獨相望

荅端

郊園夏雨歇閒院綠陰生職事方無効幽賞獨違情物  
色坐如見離抱悵多盈况感夕涼氣聞此亂蟬鳴

荅史館張學士段

一作同

柳庶子學士集賢院看

花見寄兼呈柳學士

班揚秉文史對院自為隣餘香掩閣去遲日看花頻似

雪飄閭闔從風點近臣南宮有芳樹不並禁垣春

荅王郎中

卧閣枉芳藻覽旨悵秋晨守郡猶羈寓無以慰嘉賓  
野曠歸雲盡天清曉露新池荷涼已至牕梧落漸頻  
風物殊京國邑里但荒榛賦繁屬軍興政拙媿斯人  
髦士久臺閣中路一漂淪歸當列盛朝一作明宣念卧淮濱

荅崔都水

亭亭心中人迢迢居秦關常緘素札去一作問適枉華章

還憶在澧郊時攜手望秋山久嫌官府勞初喜罷扶閒  
終年不事業寢食長慵頑不知為時來一作何為來名籍挂

郎間攝衣辭田里華簪耀顏顏卜居又依仁日久正追

攀牧人本無術命至苟復遷離念積歲序歸途眇山川

郡齋有佳月園林含清泉同心不在宴樽酒徒盈前覽

君陳迹遊詞意俱悽妍忽忽已終日將訓不能宣吐稅

況重疊公門極熬煎責逋甘首免一作退歲晏當歸田勿

厭守窮轍一作賤慎為名所牽

荅王卿送別

去馬嘶春草歸人立夕陽元知數日別要使兩情傷

荅裴丞說歸京所獻

執事頗勤久行去亦傷乖家貧無僮僕吏卒升寢齋衣  
服藏內篋藥草曝前階誰復知次第淩落且安排還期  
在歲晏何以慰吾懷

荅裴處士

遺民愛精舍乘犢入青山來署高陽里不遇白衣還禮

賢方化俗聞風自款闕况子逸羣士栖息蓬蒿間

荅楊奉禮

多病守山郡自得接嘉賓不見三四日曠若十餘旬臨觴獨無味對榻已生塵一詠舟中作灑雪忽驚新烟波見棲旅景物具昭陳秋塘唯落葉野寺不逢人白事廷吏簡閒居文墨親高天池閣靜寒菊霜露頻應當整孤棹歸來展殷勤

荅端



坐憶故園人已老，寧知遠郡雁還來。  
長瞻西北是歸路，獨上城樓日幾迴。

荅個奴重陽二甥

個奴趙氏甥仇重陽崔氏甥播

弃職曾守拙，翫幽遂忘喧。  
山澗依磽磳，竹樹蔭清源。  
貧居煙火濕，一作絕歲熟梨棗繁。  
風雨飄茅屋，蒿草沒瓜園。

羣屬相歡悅，不覺過朝昏。  
有時看禾黍，落日坐秋原。  
飲酒任真性，揮筆肆狂言。  
一朝忝蘭省，三載居遠藩。  
復與諸弟子，篇翰每相敦。  
西園休習射，南池對芳樽。  
山藥一作

商經雨碧海榴凌霜飈念爾不同此悵然復一論重陽  
守故家個子旅湘沅俱有緘中藻惻惻動離魂不知何  
日見衣上淚空存

荅重陽

省札陳往事愴憶數年中一身朝北闕家累守田農望  
山亦臨水暇日每來同性情一疎散園林多清風忽復  
隔淮海夢想在澧東病來經時節起見秋塘空城郭連  
榛嶺烏雀噪溝叢坐使驚霜鬢撩亂已如蓬

酬劉侍郎使君

劉太真

瓊樹凌霜雪，蔥蒨如芳春。  
英賢雖出守，本自玉階人。  
宿昔陪郎署，出入仰清塵。  
孰云俱列郡，比德豈為隣。  
風雨飄海氣，清涼悅心神。  
重門深夏晝，賦詩延衆賓。  
方以歲月舊，每蒙君子親。  
繼作郡齋什，遠贈荆山珍。  
高閒一作山城庶務理，遊眺景物新。  
朋友亦遠集，燕酌在佳辰。  
始唱已慙拙，將酬益難伸。  
濡毫意匱俛，一用寫悃勤。

荅令狐侍郎

令狐垣

一凶迺一吉一是復一非孰能逃斯理亮在識其微三  
黜故無愠高賢當庶幾但以親交戀音容邈難希况昔  
別離久俱忻藩守歸朝宴方陪厠山川又乖違吳門冒  
海霧峽路凌連磯同會在京國相望涕沾衣明時重英  
才當復列彤闈白玉雖塵垢拂拭還光輝

酬張協律

昔人驚春地令人復一賢屬余藩守日方君卧病年麗  
思阻文一作交宴芳蹤闕賓筵經時豈不懷欲往事屢牽

公府適煩倦開緘瑩新篇非將握中寶何以比其妍感  
茲棲寓詞想復痾瘵纏空宇風霜交幽居情思綿當以  
貧非病孰云白未玄邑中有其人憔悴即我愆由來牧  
守重英俊得薦延匪人等鴻毛斯道何由宣遭時無早  
晚蘊器俟良緣觀文心未衰勿藥疾當痊一云當自痊晨期  
簡牘罷馳慰子忉然

荅秦十四校書

秦系

知掩山扉三十秋魚須翠碧弃牀頭莫道謝公方在郡

五言今日為君休

荅賓

斜月纔鑒帷凝霜偏冷枕持情須耿耿故作單牀寢

荅鄭騎曹青橘絕句

一作故人重九日求橘書中戲贈

憐君卧病思新橘試摘猶酸亦未黃書後欲題三百顆  
洞庭須待滿林霜

奉和聖製重陽日賜宴

聖心憂萬國端居在穆清玄功致海宴錫讌表文明恩

屬重陽節雨應此時晴寒菊生池苑高樹出宮城捧藻  
千官處垂戒百王程復覩開元日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲

一作仲侍言

歸亭高性情曠職密交遊稀賦詩樂無事解帶偃南扉

陽春美時澤旭霽望山暉幽禽響

一作好鳥幽

未轉東原綠

猶微名雖列僊爵心已遣

一作遺

塵機即事同巖隱聖渥

良難違

奉和張大夫戲示青山郎

天生逸世姿竹馬不曾騎  
覽卷冰將釋援毫露欲垂  
金貂傳幾葉玉樹長新枝  
榮祿何妨早甘羅亦小兒

荅河南李士巽題香山寺

洛都遊宦日少年攜手行  
投杯起芳席總轡振華纓  
闕塞有佳氣巖開伊水清  
攀林憇佛寺登高望都城  
蹉跎二十載世務各所營  
茲賞長在夢故人安得并  
前歲守九江恩詔赴咸京  
因塗再登厯山河屬晴明  
寂寞僧侶



少蒼茫林木成牆宇或崩剝不見舊題名舊遊况存歿  
獨此淚交橫交橫誰與同書壁貽友生今茲守吳郡綿  
思方未平子復經陳迹一感我深情遠蒙惻愴篇中有  
金玉聲反覆終難荅金玉尚為輕

荅故人見諭

素寡名利心自非周圓器徒以歲月資屢蒙藩條寄時  
風重書札物情敦貨遺機杼十練單慵疎百函愧常負  
交親責且為一官累况本淺落人歸無置錐地省已已

知非枉書見深致雖欲効區區何由枉其志

酬閻員外陟

寒夜阻良覲叢竹想幽居虎符予已誤金丹子何如  
讌集觀農暇笙歌聽訟餘雖蒙一言教自愧道情疏

酬秦徵君徐少府春日見寄

一作奉酬秦徵君  
系春日撫州西亭

野望兼寄

徐少府

終日愧無政與君聊散襟城根山半腹亭影水中心  
朗詠竹牕靜野情花遲深那能有餘興不作剡溪尋

冬夜宿司空曙野居因寄酬贈

南北與山隣  
蓬蒿庇一身  
繁霜疑有雪  
荒草似無人  
遂性在耕稼  
所交唯賤貧  
何緣張掾傲  
每重德璋親

長安遇馮著

客從東方來  
衣上灞陵雨  
問客何為來

一作來何為

采山因

買斧冥冥花正開

一作滿

颺颺燕新乳  
昨別今已春  
鬢絲

生幾縷

將發楚州經寶應縣訪李二忽於州館相遇月

夜書事因簡李寶應

孤舟欲夜發祇為訪情人  
此地忽相遇留連意更新  
停杯嗟別久對月言家貧  
一問臨卽令如何待上賓

廣陵遇孟九雲卿

雄藩本帝都遊士多俊賢  
夾河樹鬱鬱華館千里連  
新知雖滿堂中意頗未宣  
忽逢翰林友歡樂斗酒前  
高文激頽波四海靡不傳  
西施且一笑衆女安得妍  
明月滿淮海哀鴻逝長天  
所念京國遠我來君欲

一作還  
又旋

淮上遇洛陽李主簿

結茅臨古渡，卧見長淮流。  
牕裏人將老，門前樹已秋。  
寒山獨過雁，暮雨遠來舟。  
日夕逢歸客，那能忘舊遊。

路逢崔元二侍御避馬見招以詩見贈

一臺稱二妙，歸路望行塵。  
俱是攀龍客，空為避馬人。  
見招翻跼蹐，相問良殷勤。  
日日吟趨府，彈冠豈有因。

逢楊開府

少事武皇帝，無賴恃恩私。  
身作里中橫，家藏亡命兒。  
朝

持

一作拊一作拆

樗蒲局暮竊東隣姬司隸不敢捕立在一

一作登

白玉墀驪山風雪夜長揚羽獵時一字都不識飲酒肆  
頑癡武皇升仙去憔悴被人欺讀書事已晚把筆學題  
詩兩府始收跡南宮謬見推非才果不容出守撫娉嫫  
忽逢揚開府論舊涕俱垂坐客何由識惟有故人知

休暇日訪王侍御不遇

九日驅馳一日閒尋居不遇又空還怪來詩思清人骨  
門對寒流雪滿山

因省風俗訪道士姪不見題壁

去年澗水今亦流去年杏花今又拆  
山人歸來問是誰  
還是去年行春客

御定全唐詩卷一百九十



欽定四庫全書

御定全唐詩卷一百九十一

韋應物

有所思

借問堤

一作江

上柳青青為誰春空遊昨日地不見昨日

人繚繞萬家井往來車馬塵莫道無相識要非心所親

暮相思

朝出自不還暮歸花盡發豈無終日會惜此花間月空

館忽相思微鐘坐來

一作歇

歇

夏夜憶盧嵩

靄靄高館暮開軒滌煩襟不知湘雨來瀟灑在幽林

云一

不知微蕭灑  
山鳥鳴幽林

炎月得涼夜芳樽誰與斟故人南北居累

月間徽音人生無閒日歡會當在今反側候天旦層城

苦沈沈

春思

野花如雪繞江城坐見年芳憶帝京閨闔曉開凝碧樹

曾陪鴛鴦聽流鶯

春中憶元二

雨歇萬井春柔條已含綠徘徊洛陽陌惆悵杜陵曲遊  
絲正高下啼鳥還斷續有酒今不同思君瑩如玉

懷素友子西

廣陌並遊騎公堂接華襟方歡遽見別永日獨沈吟階  
暝流暗駛氣疎露已侵層城湛深夜片月生幽林往款  
良未遂來覲曠無音恒當清觴宴思子玉山岑耿耿何

以寫密言空委心

對韓少尹所贈硯有懷

故人謫遐留硯寵斯文白水浮香墨清池滿夏雲念  
離心已永感物思徒紛未有桂陽使裁書一報君

月晦憶去年與親友曲水遊讌

晦賞念前歲京國結良儔騎出宣平里飲對曲池流今  
朝隔天末空園傷獨遊雨歇林光變塘綠鳥聲幽凋  
積逋稅華鬢集新秋誰言戀虎符終當還舊丘

清明日憶諸弟

冷食方多病，開襟一忻然。  
終令思故郡，烟火滿晴川。  
杏粥猶堪食，榆羹已稍煎。  
唯恨乖親燕，坐度此芳年。

池上懷王卿

幽居捐世事，佳雨散園芳。  
入門靄已綠，水禽鳴春塘。  
重雲始成夕，忽霽尚殘陽。  
輕舟因風泛，郡閣望蒼蒼。  
私燕阻外好，臨歡一停觴。  
茲遊無時盡，旭日願相將。

立夏日憶京師諸弟

改序念芳辰煩襟倦日永夏木已成陰公門晝恒靜長  
風始飄閣疊雲纔吐嶺坐想離居人還當惜徂一作光景

曉至園中憶諸弟崔都水

山郭恒悄悄林月亦娟娟景清神已澄一作謚事簡慮絕

牽秋塘徧衰草曉露洗紅蓮不見心所愛茲賞豈為妍

懷瑯琊深標二釋子

白雲埋大壑陰崖滴夜泉應居西石室月照山蒼然

雨夜感懷

微雨灑高林，塵埃自蕭散。  
耿耿心未平，沈沈夜方半。  
獨驚長簾冷，遽覺愁鬢換。  
誰能當此夕，不有盈襟歎。

雲陽館懷谷口

清泚階下流，云自谷口源。  
念昔白衣士，結廬在石門。  
道高杳無累，景靜得忘言。  
山夕綠陰滿，世移清賞存。  
吏役豈遑暇，幽懷復朝昏。  
雲泉非所濯，蘿月不可援。  
長往遂真性，暫遊恨卑喧。  
出身既事世，高躅難等論。

憶澧上幽居

一來當復去猶此厭樊籠況我林栖子朝服坐南宮唯  
獨問啼鳥還如澧水東

重九登滁城樓憶前歲九日歸澧上赴崔都水  
及諸弟讌集悽然懷舊

今日重九讌去歲在京師聊廻出省步一赴郊園期嘉  
節始云邁周辰已及茲秋山滿清景當賞屬乖離凋散  
民里闕摧翳衆木衰樓中一長嘯惻愴起涼颼

始夏南園思舊里



夏首雲物變雨餘草木繁池荷初帖水林花已掃園紫  
叢蝶尚亂依閣鳥猶喧對此殘芳月憶在漢陵原

登蒲塘驛泐路見泉谷邨墅忽想京師舊居追  
懷昔年

青山導騎遶春風行旆舒均徭視屬城問疾躬里閭烟  
水依泉谷川陸散樵漁忽念故園日復憶驪山居荏苒  
斑鬢及夢寢婚宦初不覺平生事咄嗟二紀餘存歿闊  
已永悲多歡自疎高秩非為美闌干淚盈裾

經函谷關

洪河絕山根單軌出其側萬古為要樞往來何時息秦  
皇既恃險海內被吞食及嗣同覆顛咽喉莫能塞炎靈  
詎西駕婁子非經國徒欲扼諸侯不知恢至德聖朝及  
天寶豺虎起東北下沉戰死魂上結窮冤色古今雖共  
守成敗良可識藩屏無俊賢金湯獨何力馳車一登眺  
感慨中自惻

經武功舊宅

茲邑昔所遊嘉會常在目  
厯載俄二九始往今來復  
感居人少茫茫野田綠風  
雨經舊墟毀垣迷往躅門  
臨川流駛樹有羈雌宿多  
累恒悲往長年覺時速欲  
去中

復留徘徊

一作彷徨

結心曲

往雲門郊居塗經廻流作

茲晨乃休暇適往田家廬  
原谷徑塗澀春陽草木敷  
纔遵板橋曲復此清澗紆  
崩壑方見射廻流忽已舒  
明滅泛孤景杳靄含夕虛  
無將為邑志一酌澄波餘

乘月過西郊渡

遠山含紫氛，春野靄云暮。  
值此歸時月，留連西澗渡。  
謬當文墨會，得與羣英遇。  
賞遂亂流翻，心將清景悟。  
行車儼未轉，芳草空盈步。  
已舉候亭火，猶愛邗原樹。  
還當守故局，悵悵秉幽素。

晚歸澧川

凌霧朝闔闔，落日返清川。  
簪組方暫解，臨水一翛然。  
昆弟忻來集，童稚滿眼前。  
適意在無事，攜手望秋田。  
南嶺

橫爽氣高林繞遙阡野廬不鋤理翳翳起荒烟名秩斯  
逾分廉退媿不全已想平門路晨騎復言旋

授衣還田里

公門懸甲令澣濯遂其私晨起懷愴恨野田寒露時氣  
收天地廣風淒草木衰山明始重疊川淺更逶迤烟火  
生閭里禾黍積東菑終然可樂業時節一來斯

夕次盱眙縣

落帆逗

一作透

淮鎮停舫臨孤驛浩浩風起波冥冥日沈

夕人歸山郭暗雁下蘆洲白獨夜憶秦關聽鐘未眠客

春月觀省屬城始憇東西林精舍

因時省風俗布惠迨高年建隼出潯陽整駕遊山川白  
雲斂晴壑羣峰列遙天嶽竒石門狀杳靄香爐烟榛荒  
屢冒星偏側殆覆顛方臻釋氏廬時物屢華妍曇遠昔  
經始於茲閱幽玄東西竹林寺灌注寒澗泉人事既云  
泯歲月復已綿殿宇餘丹紺磴閣峭欹懸佳士亦棲息  
善身絕塵緣今我蒙朝寄教化敷里鄩道妙苟為得出

處理無偏心當同所尚跡豈辭纏牽

自蒲塘驛廻駕經厯山水

館宿風雨滯始晴行蓋轉潯陽山水多草木俱紛行崎  
嶇緣碧澗蒼翠踐苔蘚高樹夾潺湲崩石橫陰巖野杏  
依寒折餘雲冒嵐淺性愜形豈勞境殊路遺緬憶昔終  
南下佳遊亦屢展時禽下流暮紛思何由遣

山行積雨歸途始霽

攬轡窮登降陰雨遘二旬但見白雲合不睹巖中春急

澗豈易揭峻塗良難遵深林猿聲冷沮洳虎跡新始霽  
升陽景山水閱清晨雜花積如霧百卉萋已陳鳴騶屢  
驪首歸路自忻忻

傷逝

此後十九首盡同德精舍舊居傷懷時所作

染白一為黑焚木盡成灰念我室中人逝去亦不迴結  
髮二十載賓敬如始來提携屬時屯契闊憂患災柔素  
亮為表禮章夙所該仕公不及私百事委令才一旦入  
閨門四屋滿塵埃斯人既已矣觸物但傷摧單居移時



節泣涕撫嬰孩知妄謂當遣臨感要難裁夢想忽如睹  
驚起復徘徊此心良無已遶屋生蒿萊

往富平傷懷

晨起凌嚴霜慟哭臨素帷駕言百里塗惻愴復何為昨  
者仕公府屬城常載馳出門無所憂返室亦熙熙今者  
掩筠扉但聞童稚悲丈夫須出入顧爾內無依銜恨已  
酸骨何況苦寒時單車路蕭條回首長逶遲飄風忽截  
野嘹唳雁起飛昔時同往路獨往今詎知

出還

昔出喜還家，今還獨傷意。  
入室掩無光，衞哀寫虛位。  
悽動幽幔寂，寂驚寒吹。  
幼女復何知，時來庭下戲。  
咨嗟日復老，錯莫身如寄。  
家人勸我食，對案空垂淚。

冬夜

杳杳日云夕，鬱結誰為開。  
單衾自不暖，霜霰已皚皚。  
晚歲淪夙志，驚鴻感深哀。  
深哀當何為，桃李忽凋摧。  
幃帳徒自設，冥冥豈復來。  
平生雖恩重，遷去託窮埃。  
抱此女

曹恨顧非高世才振衣中夜起河漢尚裛回

送終

奄忽逾時節日月獲其良蕭蕭車馬悲祖載發中堂生  
平同此居一旦異存亡斯須亦何益終復委山岡行出  
國南門南望鬱蒼蒼日入乃云造慟哭宿風霜晨遷俯  
玄廬臨訣但遑遑方當永潛翳仰視白日光俯仰遽終  
畢封樹已荒涼獨留不得還欲去結中腸童稚知所失  
啼號捉我裳即事猶倉卒歲月始難忘

除日

思懷耿如昨，李月已云暮。忽驚年復新，獨恨人成故。冰

池始泮，綠梅援

一作稍

還飄。素淑景方轉，延朝朝自難度。

對芳樹

迢迢芳園樹，列映清池曲。對此傷人心，還如故時綠。風  
條灑餘靄，露葉承新旭。佳人不再攀，下有往來躅。

月夜

皓月流春城，華露積芳草。坐念綺窗空，翻傷清景好。清

景終若斯傷多人自老

歎楊花

空蒙不自定況值暄風度舊賞逐流年新愁忽盈素纔  
縈下苑曲稍滿東城路人意有悲歡時芳獨如故

過昭國里故第

不復見故人一來過故宅物變知景暄心傷覺時寂池  
荒野筠合庭綠幽草積風散花意謝鳥還一作啼山光夕

宿昔方同賞詎知今念昔緘室在東廂遺器不忍覲柔

翰全分意芳巾尚染澤殘工委筐篋餘素經刀尺收此  
還我家將還復愁惕永絕攜手歡空存舊行迹冥冥獨  
無語杳杳將何適唯思今古同時緩傷與戚

夏日

已謂心苦傷如何日方永無人不晝寢獨坐山中靜悟  
澹將遣慮學空庶遺境積俗易為侵愁來復難整

端居感懷

沈沈積素抱婉婉屬之子永日獨無言忽驚振衣起方

如在幃室復悟永終已  
推子傷恩絕盛時若流水  
暄涼同寡趣朗晦俱無理  
寂性常喻人滯情今在已  
空房欲云暮巢燕亦來止  
夏木遽成陰綠苔誰復履  
感至竟何方幽獨長如此

悲紈扇

非關秋節至詎是恩情改  
掩嚙人已無妾篋涼空在  
何言永不發暗使銷光彩

閒齋對雨

幽獨自盈抱陰淡亦連朝空齋對高樹疎雨共蕭條巢  
燕翻泥濕蕙花依砌消端居念往事倏忽苦驚飈

林園晚霽

雨歇見青山落日照林園山多

一作夕

烟鳥亂林清風景

翻提携唯子弟蕭散在琴言

一作尊

同遊不同意耿耿獨

傷魂寂寞鐘已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒雨滴微



風時動牖殘燈尚留壁惆悵平生懷偏來委今夕

霜露已淒淒星漢復昭回朔風中夜起驚鴻千里來蕭  
條涼葉下寂寞清砧哀歲晏仰空宇心事若寒灰

感夢

歲月轉蕪漫形影長寂寥髣髴覲微夢感嘆起中宵綿  
思靄流月驚魂颯迴飈誰念茲夕永坐令顏鬢凋

同德精舍舊居傷懷

洛京十載別東林訪舊扉山河不可望存歿意多違時

遷跡尚在同去獨來歸還見窗中鵲日暮遠庭飛

悲故友

白壁衆求瑕素絲易成汙萬里顛沛還高堂已長暮積  
憤方盈抱纏哀忽逾度念子從此終黃泉竟誰訴一為  
時事感豈獨平生故唯見荒丘原野草塗朝露

張彭州前與緱氏馮少府各惠寄一篇多故未  
答張已云沒因追哀叙事兼遠簡馮生

君昔掌文翰西垣復石渠朱衣乘白馬輝光照里閭余

時忝南省接讌媿空虛一別守茲郡蹉跎歲再除長懷  
關河表永日簡牘餘郡中有方塘涼閣對紅蕖金玉蒙  
遠貺篇詠見吹噓未答平生意已沒九原居秋風吹寢  
門長慟涕漣如覆視絨中字奄為昔人書髮鬢已云白  
交友日彫疎馮生遠同恨憔悴在田廬

東林精舍見故殿中鄭侍御題詩追舊書情涕  
泗橫集因寄呈閣澧州馮少府

仲月景氣佳東林一登歷中有故人詩淒涼在高壁精

思長懸

一作懷

世音容已歸寂墨澤傳灑餘磨滅親翰跡

平生忽如夢百事皆成昔結騎京華年揮文篋筭積朝  
廷重英彥時輩分珪璧永謝拍梁陪獨闕金門籍方嬰  
存歿感豈暇林泉適雨餘山景寒風散花光夕新知雖  
滿堂故情誰能覲唯當同時友緘寄空悽感

同李二過亡友鄭子故第

李與之故  
非予所識

客車名未滅沒世恨應長斜月知何照幽林判自芳故  
人驚逝水寒雀噪空牆不是平生舊遺蹤要可傷

話舊

亭中對兄弟話蘭陵崇賢  
懷真已來故事注然而作

存亡三十載事過悉成空  
不惜霑衣淚併話一宵中

至開化里壽春公故宅

寧知府中吏故宅一徘徊  
厯階存往敬瞻位泣餘哀  
廢井沒荒草陰牖生綠苔  
門前車馬散非復昔時來

睢陽感懷

豺虎犯天綱昇平無內備  
長驅陰山卒略踐三河地  
張侯本忠烈濟世有深智  
堅壁梁宋間遠籌吳楚利  
窮年

方絕輸隣援皆携貳使者哭其庭救兵終不至重圍雖  
可越藩翰諒難弃飢喉待危巢懸命中路墜甘從鋒刃  
斃莫奪堅貞志宿將降賊庭儒生獨全義空城唯白骨  
同往無賤貴哀哉豈獨今千載當歔歔

廣德中洛陽作

生長太平日不知太平歡今還洛陽中感此方苦酸飲  
藥本攻病毒腸翻自殘王師涉河洛玉石俱不完時節  
屢遷斥山河長鬱盤蕭條孤烟絕日入空城寒塞劣乏

高步緝遺守微官西懷咸陽道躑躅心不安

閭門懷古

獨鳥下高樹遙知吳苑園淒涼千古事日暮倚閭門

感事

霜雪皎素絲何意墜墨池青蒼猶可濯黑色不可移女  
工再三嘆委弃當此時歲寒雖無褐機杼誰肯施

感鏡

鑄鏡廣陵市菱花匣中發夙昔嘗許人鏡成人已沒如

冰結圓器類壁無絲髮形影終不臨清光殊不歇一感

平生言松枝樹

一作挂

秋月

歎白髮

還同一葉落對此孤鏡曉絲縷乍難分楊花復相遶時  
役人易衰吾年白猶少

御定全唐詩卷一百九十一



欽定四庫全書

集部

御定全唐詩卷一百九十二至  
七

詳校官庶吉士臣胡鈺

主事銜臣徐坤覆勘

總校官知縣臣繆琪

校對官中書臣石鴻翥

謄錄監生臣王永鎮

欽定四庫全書

御定全唐詩卷一百九十二

韋應物

登高望洛城作

高臺造雲端遐瞰周四垠雄都定鼎地勢據萬國尊河

岳出雲雨土圭酌乾坤舟通

一作通

南越貢城背北邙原

帝宅夾清洛丹霞捧朝暾葱龍瑤臺榭窈窕雙闕門十

載構屯難兵戈若

一作父

雲屯膏腴滿榛蕪比屋空毀垣

聖主乃東眷俾賢拯元元熙熙居守化泛泛太府恩至

損當

一作方

受益苦寒必生溫平明四城開稍見市井喧

坐感理亂迹永懷經濟言吾生自不達空鳥何翩翻天  
高水流遠日晏城郭昏襄回訖旦夕聊用寫憂煩

同德寺閣集眺

芳節欲云晏遊遨樂相從高閣照丹霞颼颼含遠風寂  
寥氛氲廓超忽神慮空旭日霽皇州宮堯見兩宮嵩少  
多秀色羣山莫與崇三川浩東注瀍澗亦來同陰陽降

太和宇宙得其中  
舟車滿川陸四國  
靡不通舊堵今既  
葺庶甿亦已豐  
周覽思自奮行當  
遇時邕

登寶意寺上方舊遊

寺在武功  
曾居此寺

翠嶺香臺出半天  
萬家烟樹滿晴川  
諸僧近住不相識

坐聽微

一作  
岩

鐘記往年

登樂遊廟作

高原出東城鬱鬱見咸陽  
上有千載事乃自漢宣皇  
頽墮久凌遲陳迹翳丘荒  
春草雖復綠驚風但飄揚  
周覽

京城內雙闕起中央微鐘何處來暮色忽蒼蒼歌吹喧  
萬井車馬塞康莊昔人豈不爾百世同一傷一作場歸當  
守冲漠跡寓心自忘

登西南岡卜居遇雨尋竹浪至澧壩縈帶數里  
清流茂樹雲物可賞

登高創危構林表見川流微雨颯已至蕭條川氣秋下  
尋密竹盡忽曠沙際遊紆曲一作直水分野綿延稼盈疇

寒花明廢墟樵牧笑榛丘雲水成一作交陰澹竹樹更清

幽適自戀佳賞

一作愜心賞  
又一作幽賞

復茲永日留

澧上與幼遐月夜登西岡翫花

置酒臨高隅佳人自城闕已翫滿川花  
還看滿川月花月方浩然賞心何由歇

臺上遲客

高臺一悄

一作聊

望遠樹間朝暉但見東西騎坐

一作端

令

心賞違始霽郊原綠暮春啼鳥稀徒然對芳物何能獨

醉歸

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣青山出遠林晴明一登望瀟灑此幽襟

樓中月夜

端令倚懸檻長望抱沈憂寧知故園月今夕在茲樓衰  
運送餘韻華露湛新秋坐見蒼林變清輝愴已休

一作  
水

寒食後北樓作

園林過新節風花亂高閣遙聞擊鼓聲蹴踘軍中樂

西樓

高閣一長望故園何日歸烟塵擁

一作  
在

函谷秋雁過來

稀

夜望

南樓夜已寂暗鳥動林間不見城郭事沈沈唯四山

晚登郡閣

悵然高閣望已掩東城關春風偏送柳夜景欲沈山



登重玄寺閣

時暇陟雲構晨霽澄景光始見吳都

一作郡

大十里鬱蒼

蒼山川表明麗湖海吞大荒合沓臻水陸駢開會四方  
俗繁節又暄雨順物亦康禽魚各翔泳草木遍芬芳於  
茲省毗俗一用勸農桑誠知虎符忝但恨歸路長

觀早朝

伐鼓通嚴城車馬溢廣墀煌煌列明燭朝服照華鮮金  
門杳深沈尚聽清漏傳河漢忽已沒司閤啟晨闌丹殿

據龍首崔嵬對南山寒生十門裏日照雙闕間禁旅下  
成列爐香起中天輝輝覩明聖濟濟行音航俊賢媿無鴛  
鷺姿短翮空飛還誰當假毛羽雲路相追攀

陪元侍御春遊

何處醉春風長安西復東不因俱罷職豈得此時同貫  
酒宣平里尋芳下苑中往來楊柳陌猶避昔年驄

遊龍門香山泉

山水本自佳遊人已忘慮碧泉更幽絕賞愛未

一作不

能

去潯浚寫幽磴繚繞帶

一作對

嘉樹激轉忽殊流歸泓又

同注羽觴自成

一作伐

翫永日亦延趣靈草有時香仙

一作

山源不知處還當候圓月攜手重遊寓

龍門遊眺

鑿山尊伊流中斷若天關都門遙相望佳氣生朝夕素

懷出塵意適有攜手客精舍遶

一作綠

層阿千龕隣

一作鱗

峭壁緣雲路猶緬憩澗鐘已寂花樹發烟華淙流散石

脈長嘯招遠風臨潭漱金碧日落望都城人間何役役

一作襄回帳還  
駕城闕多物役

### 洛都遊寓

東風日已和元化亮無私草木同時植生條有高卑罷  
官守園廬豈不懷渴飢窮通非所干跼促當何為佳辰  
幸可遊親友亦相追朝從華林宴暮返東城期掇英出  
蘭皋翫月步川坻軒冕誠可慕所憂在絳維

### 再遊龍門懷舊侶

嘗與賓黃州洛陽韓丞澠  
池李丞密鄭二尉同遊

兩山鬱相對晨策方上千靄靄眺都城悠悠俯清瀾

矣二三子茲焉屢遊盤良時忽已周獨往念前歡好鳥  
始云至衆芳亦未闌遇物豈殊昔慨傷自有端

莊嚴精舍遊集

良遊因時暇乃在西南隅綠烟凝層城豐草滿通衢精  
舍何崇曠煩跼一弘舒架虹施廣蔭構雲眺八區即此  
塵境遠忽聞幽鳥殊新林一作秋泛景光叢綠含露濡永

日亮難遂平生少歡娛誰能遽還歸幸與一作得高士俱

府舍月遊

官舍

一作寺

耿深夜佳月喜同遊橫河俱半落泛露忽驚

秋散彩疎羣樹分規澄素流心期與浩景蒼蒼殊未收

任鄴令漢陂遊眺

野水灩長塘烟花亂晴日氤氲綠樹多蒼翠千山出遊  
魚時可見新荷尚未密屢往心獨閒恨無理人術

西郊遊矚

東風散餘沍陂水淡已綠

一本作綠

烟芳何處尋杳靄春山

曲新禽哢暄節晴光泛嘉木一與諸君遊華觴忻見屬

再遊西郊渡

水曲一追遊遊人重懷戀  
嬋娟昨夜月還向波中見  
驚禽棲不定流芳寒未徧  
攜手更何時佇看花似霰

月溪與幼遐君眴同遊

時二子還城

岸篠覆迴溪迴溪曲如月沈沈  
水容綠寂寂流鶯

一作鶯初

歇淺石方凌亂遊禽時出沒  
半雨夕陽霏緣源雜花發  
明晨重來此同心應已闕

與幼遐君眴兄弟同遊白家竹潭

清賞非素期偶遊方自得前登絕嶺陰下視深潭黑密  
竹已成暮歸雲殊未極春鳥依谷暄紫蘭含幽色已將  
芳景遇復歎平生憶終念一歡別臨風還默默

秋夕西齋與僧神靜遊

晨登西齋望不覺至夕曛正當秋夏交原野起烟氛坐  
聽涼飈舉華月稍披雲漠漠山猶隱灑灑川始分物幽  
夜更殊境靜興彌臻息機非傲世于時乏嘉聞究空自  
為理况與釋子羣



觀田家

微雨衆卉新一雷驚蟄始田家幾日間耕種從此起丁  
壯俱在野場圃亦就理歸來景常晏飲犢西澗水飢叻  
不自苦膏澤且為喜倉廩無宿儲徭役猶未已方慙不  
耕者祿食出閭里

園亭覽物

積雨時物變夏綠滿園新殘花已落實高笋半成筠守  
此幽棲地自是忘機人

觀澧水漲

夏雨萬壑湊澧漲

一作流

暮渾渾草木盈川谷澶漫一平

吞棧梗方瀾泛濤沫亦洪翻北來注涇渭所過無安源  
雲嶺同昏黑觀望悸心魂舟人空斂棹風波正自奔

陪王卿郎中遊南池

鵝鴻俱失侶同為此地遊露浥荷花氣風散柳園秋烟  
草凝衰嶼星漢泛歸流林高初上月塘深未轉舟清言  
屢往復華樽始獻酬終憶秦川賞端坐起離憂

南園陪王卿遊曠

形跡雖拘檢世事澹無心  
郡中多山水日夕聽幽禽  
兒閣文墨暇園林春景深  
雜花芳意散綠池暮色沈  
君子有高躅相携在幽尋  
一酌何為貴可以寫冲襟

遊西山

時事方擾擾幽賞獨悠悠  
弄泉朝涉澗采石夜歸州  
揮翰題蒼峭下馬歷嵌丘  
所愛唯山水到此即淹留

春遊南亭

川明氣已變巖寒雲尚擁南亭草心綠春塘泉脈動景  
煦聽禽響雨餘看柳重逍遙池館華益媿專城寵

再遊西山

南譙古山郡信是高人居自歎乏弘量終朝親簿書於  
時忽命駕秋野正蕭疎積逋誠待責尋山亦有餘測測  
石泉冷曖曖烟谷虛中有釋門子種果

一作藥

結茅廬出

身厭名利遇境即躊躇守直雖多忤視險方晏如況將  
塵埃外襟抱從此舒

遊靈巖寺

始入松路永獨忻山寺幽不知臨絕檻乃見西江流吳  
岫分烟景楚甸散林丘方悟關塞眇重軫故園愁聞鐘  
戒歸騎憇澗惜良遊地踈泉谷狹春深草木稠茲焉賞  
未極清景一作澹期杪秋

與盧陟同遊永定寺北池僧齋

密竹行已遠子規啼更深綠池芳草氣閒齋春樹陰晴  
蝶飄蘭逕遊蜂遶花心不過君攜手誰復此幽尋

遊溪

野水烟鶴唳楚天雲雨空翫舟清景晚垂釣綠蒲中落  
花飄旅衣歸流澹清風緣源不可極遠樹但青蔥

遊開元精舍

夏衣始輕體遊步愛僧居果園新雨後香臺照日初綠  
陰生畫靜一作寂孤花表春餘符竹方為累形跡一來疎

襄武館遊眺

州民知禮讓訟簡得遨遊高亭憑古地山川當暮秋是

時杭稻熟西望盡田

一作平

疇仰恩慙政拙念勞喜歲收

澹泊風景晏繚繞雲樹幽節往情惻惻天高思悠悠嘉

賓幸雲集芳罇始淹留還希習池賞

一作還喜曲池濱

聊以駐

鳴騶

秋景詣瑯琊精舍

屢訪塵外跡未窮幽賞情高秋天景遠始見山水清上

陟巖殿憩暮看雲壑平蒼茫寒色起迢遞晚鐘鳴意有

清夜戀身為符守嬰悟言

一作方愛

緇衣子蕭灑中林行

同韓郎中閒庭南望秋景

朝下抱餘素地高心本閒如何趨府客罷秩見秋山疎  
樹共寒意遊禽同暮還因君悟清景西望一開顏

慈恩精舍南池作

清境豈云遠炎氛忽如遺重門布綠陰藂蔭滿廣池石  
髮散清淺林光動漣漪緣崖摘紫房扣檻集靈龜浥浥  
餘露氣馥馥幽襟披積喧忻物曠耽玩覺景馳明晨復  
趨府幽賞當反思



雨夜宿清都觀

靈飈動閭闔微雨灑瑤林復此新秋夜高閣正沈沈  
曠歲恨殊跡茲夕一披襟洞戶含涼氣網軒構層陰  
况自展良友芳罇遂盈斟適悟妄前妄清言怡道心  
豈戀腰間綬如彼籠中禽

善福精舍秋夜遲諸君

廣庭獨閒步夜色方湛然丹閣已排雲皓月更一作正高

懸繁露降秋節蒼林鬱芊芊仰觀天氣涼高詠古人篇

撫已亮無庸結交賴羣賢屬予翹思時方子中夜眠相

去隔城闕佳期屢徂

一作阻

遷如何日夕待見月三四圓

### 東郊

吏舍跼終年出郊曠清曙楊柳散和風青山澹吾慮依

叢適自憩緣澗還復去微雨靄芳原春鳩鳴何處樂幽

心屢止遵事跡猶遽終罷斯

一作期

結廬慕陶真可庶

### 秋郊作

清露澄境遠旭日照林初一望秋山淨蕭條形迹疎登

原忻時稼采菊行故墟方願沮溺耦淡泊守田廬

行寬禪師院

北望極長廊斜扉映

一作掩

藥竹亭午一來尋院幽僧亦

獨唯聞山鳥啼愛此林下宿

神靜師院

青苔幽巷徧新林靈氣微經聲在深竹高齋獨掩扉  
憩樹愛嵐嶺聽禽悅朝暉方耽靜中趣自與塵事違

精舍納涼

山景寂已晦野寺變蒼蒼夕風吹高殿露葉散林光清  
鐘始戒夜幽禽尚歸翔誰復掩扉卧不詠南軒涼

藍嶺精舍

石壁精舍高排雲聊直上佳遊愜始願忘險得前賞崖  
傾景方晦谷轉川如掌綠林含蕭條飛閣起弘敞道人  
上方至深夜還獨往日落羣山陰天秋百泉響所嗟累  
已成安得長偃仰

道晏寺主院

北隣有幽竹，潛筠穿我廬。  
往來地已密，心樂道者居。  
殘花迴往節，輕條蔭夏初。  
聞鐘北窗起，嘯傲永日餘。

義演法師西齋

結茅臨絕岸，隔水聞清磬。  
山水曠蕭條，登臨散情性。  
稍指緣原騎，還尋汲澗逕。  
長嘯倚亭樹，悵然川光暝。

澄秀上座院

綠繞西南隅，鳥聲轉幽靜。  
秀公今不在，獨禮高僧影。  
林下器未收，何人適煮茗。

至西峰蘭若受田婦饋

攀崖復緣澗遂造幽人居鳥鳴泉谷暖土起萌甲舒聊  
登石樓憩下翫潭中魚田婦有嘉獻潑撒新歲餘常怪  
投錢飲事與賢達疎令我何為答鰥寡欲焉如

曇智禪師院

高年不復出門徑

一作  
接

衆草生時夏方新雨果藥發餘

榮疎澹下林景流暮幽禽情身名兩俱遣獨此野寺行

起度律師同居東齋院

釋子喜相偶幽林俱避喧安居同僧夏清夜諷道言對  
閣景恒晏步庭陰始繁逍遙無一事松風入南軒

遊瑯琊山寺

受命恤人隱茲遊久未遑鳴騶響幽澗

一作谷

前旌耀崇

岡青冥臺砌寒綠縟草木香填壑躋花界疊石構雲房  
經製隨巖轉綠繞豈定方新泉泄陰壁高蘿蔭綠塘攀  
林一栖止飲水得清涼物累誠可遣疲晷終未忘還歸  
坐郡閣但見山蒼蒼

同越瑯琊山

趙氏生  
辟疆

石門有雪無行跡  
松壑凝烟滿衆香  
餘食施庭寒鳥下  
破衣掛樹老僧亡

詣西山深師

曹溪舊弟子何緣住此山  
世有征戰事心將流水閒  
埽林驅虎出宴坐一林間  
藩守寧為重擁騎造雲關

尋簡寂觀瀑布

躡石欹危過急澗  
攀崖迢遞弄懸泉  
猶將虎竹為身累



欲付歸人絕世緣

簡寂觀西澗瀑布下作

淙

一作深

流絕壁散虛烟翠澗深叢際松風起飄來灑塵

襟窺蘿翫猿鳥解組傲雲林茶果邀真侶觴酌洽同心  
曠歲懷茲賞行春始重尋聊將橫吹笛一寫山水音

遊南齋

池上鳴佳禽僧齋日幽寂高林晚露清紅藥無人摘春  
水不生烟荒岡筠翳石不應朝夕遊良為蹉跎客

南園

清露夏天曉  
荒園野氣通  
水禽遙泛雪  
池蓮迴披紅  
幽林詎知暑  
環舟似不窮  
頓灑塵喧意  
長嘯滿襟風

西亭

亭宇麗朝景  
簾牖散暄風  
小山初構石  
珍樹正然紅  
弱藤已扶樹  
一作援幽蘭欲成叢  
芳心幸如此  
佳人時不同

夏景園廬

羣木晝陰靜  
北窗涼氣多  
閒居逾時節  
夏雲已嵯峨  
寒

葉愛繁綠綠澗弄驚波豈爲論夙志對此青山阿

夏至避暑北池

晝晷已云極宵漏自此長未及施政教所憂變炎涼公  
門日多暇是月農稍忙高居念田里苦熱安可當亭午  
息羣物獨遊愛方塘門閉陰寂寂城高樹蒼蒼綠筠尚  
含粉圓荷始散芳於焉灑煩抱可以對華觴

題從姪成緒西林精舍書齋

棲身齒

一作始

多暮息心君獨少慕謝始精文依僧欲觀

妙冽泉前堦注清池北窗照果藥雜芬敷松筠疎蒨峭  
屢躋幽人境每肆芳辰眺採栗玄猿窟擷芝丹林嶠紆  
衣豈寒禦蔬食非飢療雖甘巷北單一作簞豈塞青紫耀  
郡有優賢榻朝編貢士詔欲同一作求朱輪載勿憚移文  
誚

題鄭弘憲侍御遺愛草堂

居士近依僧青山結茅屋疎松映嵐晚春池含苔綠繁  
華冒陽嶺新禽響幽谷長嘯攀喬林慕茲高世躅

同元錫題瑯琊寺

適從郡邑喧又茲三伏熱山中清景多石罅寒泉潔花

香天界事松竹人間別殿分嵐嶺明磴臨懸一作豁絕

昏旭窮陟降幽顯盡披閱一作嶽駭風雨區寒知龍蛇

穴情虛澹泊生境寂塵妄滅經世豈非道無為厭車一作

輟

題鄭拾遺草堂

借地結茅棟橫竹掛朝衣秋園雨中綠幽居塵事違陰

涼一作

井夕蟲亂高林霜果稀子有白雲意構此想巖扉

御定全唐詩卷一百九十二